

Salat kitaabay

ibnu Baaz bicsee

kee

**Ackaam kitaabak Qabdulqaziiz Daawuud rabe sahaytihi
rubsuusiyyah feerayse qasiiri**

titirjimem

Qali buha cummada

Gabuuti ummuuno

Aakama

Fayla yalli leeh , kaa faylisnaah cató kaat fanna , dambi cabti kaa esserna , ni nafsih sharrittée kee ni taamoomih umaanék kaa maggansitna . yalli tirri hee num maxqawissam matanaay , usuk maxqawise num ise tirri haytam ma geya , yallak sa yalli anee waah usuk inkittuuy agleyta sinniimih sumaaqitnaah , Mucamad kay naqasuuy kay farmoyta kinniimih sumaaqitna , yallak racmattaa kee nagayná kaal tanay-

Fayya iyya goyti salat fardi nel abe bar kee laqô fanal , timixxigeh tan uddurwal . salat usuk lab maraay say maral inkih yan . kaa cabe num islaamaninnot maglab mali , tohî sabbatah usuk numuk raydi mali , usuk qaafiyatah yan num kee lakmisa numul inkiih yan.

Ama kitaabay siinih xayyosna qafar afah siinih korisne , ibnu baaz deqsita qaalimti heeh yan kitaabay « salat kitab deqsitak ».

usuk: kaqaylooy , wadooy , tayammum kee salat elle aban gurrittet yaaba .

Kaadu kaat xakabuh tanim :Ackaam kitaabak Qabdu-qaziiz Daawuud , rabe sahdaytih rubsuusiyah feerayse qasiiri

wado

Salat abam faxa sahdaytul wadó abam waajib kaal tan , tamaatu waytaamak tu kaa geytek: Sambô daacóoy , bagi daacóoy , salafak yawqe ufuyuuu, xiinik yimbide kaa tekkek .

Wadó gurra:

1.Sahdayti waddoowam lubbil niyaatama , arrabák tet ayyaaqe kalah.

2.Bismillah iyyaama

3.Mogoy gudduysak lamma gabá sidiica addá kaqlisaama

4. Sidiica adda afti rukoo kee sanat lee ruubaama

5.fooca qarsák xagortaay debenik gubaay , aytiliontaay aytiliontâ fanah sidiica addá kaqlisaama

6.lamma gabâ feeraarik xabba haah cusû luk tobdot

kaffa iyyaanam kaqlisaama .

7.Moyya inki adda duugaama , qarsak bee lamma gabá koqtih bahhaay, kak qembise ikkeh gacissi tet haam fanah .

8.Lamma cangoyseynat lamma aytik iróoy adda teetik duugaama

9.Ellecabóh lamma dadab feeraarik xabba haah lam-
ma kulluucuntók tatrussu haam fanah kaqlisaama.

Kaqayló

Sahdayti Jinaabak kaqlam kaal waajibik tan

Kaqayló gurra:

1.kaqlam luubil niyaata arrabák tet ayyaaqe kalah.

2.Bismillah iyyaama

3.Lakat dudda le wadóh waddoysitaama

4.Moyyal lee caxaah nagay arquusu tet haama

5.Xagar lee duudussu haama kafin rike kaak cabe kalah.

Tayammumu:

Tayammum usuk wadóo kee kaqayloh aftók burtat aban taahirroowiyya , lee weenik hinnay lee tamsii-saanamak meesiteenik.

Tayammum gurra:

1.Tayammum wadóh aftok abek hinnay kaqaylón aftók kaa abek kaa niyaataama.

2.Lamma gabá baaxot atukku heeh, fooca kee lamma gabá too siisát duugaama

Salaata

Salat usuk maxcáo kee abinal solta qibada , qembó kaak « allaahu akbar iyyaanama , ellecabó kak assa-laamu qalaykum iyyaanama

Salat abam faxes num wadó aalle week waddoysitaah , jinaabat yenek kaqlaah Lee week hinnay leek mee-

sitek tayammum abaama , kaadu saróo kee xagaraay
salat fidó najaasak taahirroosaama.

Salat elle aban gurra

Sahdayti yallih foocal soolaah salat abam faxa waqdi:

1.kiblat fanah yafkune

2.Abam faxa salat lubbil niyaata , arrabak ayyaaqe kalah.

3.Allaahu akbar iyyaama

4.Migdi gabá guri gabáh bagul aliilil haama

5.Istiftaac dooqaaqik tiyak teyná kawsaama (ya-
qhriyeemi)

6.Sheytanak yalla maggansitaama (aquudu billaahi
minasheytaani arrajiim axcuk .

7.Bismillák qembisak faatica kawsaama
(alcamdu lillaahi axcuk.....)

8.Qhuraanak kaah xabbacowtem kawsaama
(yaqhriyeemi) .

9.Rukuuquh oobaama , lamma gaba lamma gulubul

hayya haak , rukuuqul aban dooqá kawisak (akriyak)

10.Rukuuquk moyya fayya haah, samiqa allaahu liman camidah iyyaah soolól missowwu iyya waqdi rabbanaa walak alcamdu iyyaama .

11.Allaahu akbar axcuk kummaatiyyah(sujuuduh) oobaama .

- kummaatiyyal :

a. Malcina xagar baaxó xagisaama .

1. Qarsaa kee sana

2-3.Lamma gennaqta

4-5.Lamma gulubu

6-7.Lamma dadabih feeraari

b.Lamma tobdó lamma masangalek fayya haama

c.Lamma fiiqi baaxol fidse waama .

d.Lamma gabáh feeraari kiblat fanah yayfukku-neemi kummaatiyyi dooqá elle kawisak .

Kaadu allaahu akbar axcuk naharsi kummaatiyyak moyya fayya haah , Lamma kummaatiyyak fanat guri dadabal daffa iyyaah migdi dadab soolissi haa , lamma kummaa-

tiyyih fanat tan dooqáaqik tiyak teyna kawsitak.

Lammay haytó kummaatiyyah allaahu akbar axcuk oobaah , naharsi kummaatiyyal kah abe innah abay .

12.Lammay haytó rakqatah allaahu akbar axcuk soolaah , naharsi rakqat elle abe 'nnal kaa abay .

13.Lammay haytô rakqatih gamadal attaciyyaat kawsaah , lakat salaam gacisay

14.Salat sidiica rakqat yekkek hinnay affara rakqat yekkek , naharsi attaciyyaatih lakal allaahu akbar axcuk soolaah , salaatak raqtem duudusaah , wohuk lakal salaf baaxót arcissi haah attaciyyah daffeya .

15.Attaciyyaat kawsiiyak yamurruqe waqdi salaam gacisay « Assalaamu qalaykum waracmatu 'llaahi axcuk .

Salat addat karaaha leemi

Salat addat karaaha lem :

1.Lillaali (baaxooxa wagitaanam kinnu)

2. Qaran fan wagtaanam karaaha le
3. Maggo angoyyii kee cantalbak karaaha le
4. Salat addat koo gabxissam karaaha le (wagittek , ankacissek w w w.....)
5. Axcál gabá haanam karaaha le

Salat kok bayissaama

1. Salat addát loowitik aban yaaba dago way
2. Xagar kiblatak makkoysaanama
3. Lamma gitak bukku ittaama (salaf kee sambó kinnuk)
4. Salat addát aban kanaanacó (kaxxa asal kinnuk)
5. Sitta katatta maggo taama , caagid maliinóh
6. loowitik salaatat tu ossek hinnay tu kak daggoysek (rukúuq tekkek hinnay kummaatiyya tekkek ...) .
7. Loowitik maaqóh innah tanim yokomek hinnay yooqobek .

Biyaakita sahdayi elle taahirroowa inna :

1.Biyaakita num wadô sinnaa kee jinaabak leet taahirroowa (wadóo kee kaqaylo kinnuk).

2.Leet taahirroowam duude week hinnay leek biyak ossantinak meesitek hinnay biyaakak uduurrók meesitek tayammum abitay.

3.Tayammum elle aba gurra:

a.Lamma gaba baaxót atukku haah fooca edde duuga

b.Lamma gabá ittat cukukku haa

4.sahdayti isih waddoositam yefferek kaa waddoosanaah , hinnay tayammum kaa absiisaanam xiqtah.

5.Wadô xagarak rikek teynat dele teellek , leet kaqlisay leet kaqlisam tet biyaktek arquse gabá bagul teetik beyay , leê duugók teetik meesitek tayammum teetih abay.

6.Wadô xagarak rikek teyná sitta aallee kee hinnay

noorá aalle yekkek , kaqalsóh aftók uun gabát tet duugay , tokkel tayammumuh faxxiimak raqtam matanak .

7.Biyaakita sahdayti , tayammum abam kaah xiqtah taahirik tan burtay siisá lee kee gidaaray nooráa kee rangik tu sinnit .

8.Baaxóo kee gidaaral tayammum kaah bice week , mingil tekkek hinnay saro tekkek burtá elle haysitaah tayammum teetit abbaasitam bayissam mali.

9.Sahdayti inki tayammumut salaatak maggo farditté abitam kaah xiqtah , wadó kaak bayissam kaat boode waytek .

10.Biyaakita sahdayti isi xagar nagaasatak taahirroy-sam kaak faxximta elle duuda 'nnal . woh duude wee kaa tekkek elle aninnaan caalatal salat abitay , kay salat meqeeh gacsa kaal malik .

11.Biyaakita sahdayti salat taahirik tan sarót abay , kinnih immay saró kaak nagaasa teelle tet tekkek tet

kaqlisee kee aka saróy taahirik tani haysite yakkay , woh kaat bice waytek elle aninnaanah gurral salat abbaasitay kay salat gacsah kaal miyanak .

12.Biyaakita sahdayi salat taahirik yan aracal abay , tokkel woo arac nagaasá kaak yeelle kaa tekkek , kaa kaqlisee kee arac korse yakkay . kinnih immay usuk woh yefferek elle duudinnaan gurral kaa abitay , kay salat meqehik .

13.Biyaakita sahdayi salat le waktik raaqisam kaah maxiqta , effer kee tahaarat sinnâ sabbatah , usuk kaah elle bicinnaanah gurral kaah taahirroowaah kaa abaama , xagar kee saróoy arac nagaasa kaak leemih

Biyaakita sahdayi salat elle aba'nna

1.Biyaakita sahdayi fardi salat soolak abam faxximta , xiironuk qunuunaway , hinnay gidaaral kelta way , hinnay caxxal kelta way, tul keltaamah ceyte kaa tekkek

2.Soolól kaa abam yefferek daffeynal kaa abay , tokkel daffeynak aysuk kaah raqta daffeyna darsá daffeyná kinni , soolóo kee rukuuq kaak elle faxxiimak yen aracal .

3.Daffeynál kaa yefferek inaqtimal kaa abay , kiblat fanah afkunak , tokkel usuk kiblat fanah yafkunem yefferek elle aninnaan kaalibil salat abitay , kay salat meqeeh sarra gacsa kaal malik .

4.kaadu inaqtimal kaa yefferek , deerih gacsa iyyeh kaa abay lamma iba kiblat fanah ayfukkunak . kinnih immay aysuk kaah raqtam moyya tul fayya haama , kiblat fanah nagay yafkunenkeh , tokkel usuk lamma iba kiblat fanah cabam yefferek elle aninnaan gambil salat abay , woo salat gacsa kaal malik .

5.Biyaakita sahdayti abah yan salaatah rukuuq kee sujuud abam kaak faxximta , tokkel rukuuq kee sujuud yefferek kollay , moyya qunuunussu haay , rukuuquh aba qunuuniyyak sujuuduh aba qunuuniyya addah ramma haak , tokkel rukuuquk sa sujuud duude week rukuuq faxxiima waqdi rukuuq abaah , sujuuduh qununnu iyyay. sujuuduk sa rukuuq duude week sujuud faxxiima waqdi sujuud abaah , rukuuquh qununnu iyyay.

6.Rukuuq kee sujuuduh qunuunaah moyya yacasseem yefferek , lamma inti ramacca haah yacasse , rukuuquh dagom tet aliffi haah , sujuuduh

nagay tet aliffi haak. kinnih immay feerah ascossih tugactek kitoobal ma mattoo qulamá maxcól ma -matto.

7.Moyyaa kee intil mascassaa yefferek , salat sorkocobaxal abay . niyaay , kawsaay, rukuuquuy ,sujuu-duuy , soolóoy , daffeyna inkih sorkocobaxal gexisak , kulli sahdayti niyaatem geyak .

8.Biyaakita sahdayti kulli salat le waktil abam kaak faxximta , salat elle duddu haa’nnal elle faxxiima’nnal kaa abak .woh kaal tigibdeek dohorii kee qasri ittâ fanah gacsaaah , magrib kee qisha ittâ fanah gacisak abam kaah xiqtah , dohori salat qasri salaata fanah beyam kee hinnay qasri salat dohori salat fanah gacsaaamak kaah xabbacoowinnaanim dooritak , tonnaah magrib kee qishâ kaah elle xabbacoowinnaan innal abitay . subci salaatah tugactek usuk hebelto salaataat axawah keenik mayan .

9.Biyaakita sahdayti daylah aka baaxó safre kaa tekkek salat qhasrih abam kaah xiqtah , isi baaxóh

gacca iyyam fanah biyaakak urinnaan waqdi gacaamih niya yeellek (qhasri salat kak iyyaanam affara rakqat yakke salat lamma rakqatah gacsaanama .

Rabe sahdaytih rubsuusiyah faxximtaama

A-Rabi kak xayyooweh yan sahdaytih xaqul suga maral taniimi:

1- Lamma shahaadat caalih afat kaak haanama , ixxic axcuk kaat qagaaqagse kalah , aka yaabat yaabeh kaat qagiseenik faxeemi immay .

2- kiblat fanah kaa yayfukkuneenimi .

3- Rooci kaak yewqem yismiteenik lakal lamma inti ittal kaah gacsaanama , kaadu lamma qangabbi ittal kaah gacsaanaah yaxeenimi .

4-Elmooma kaah xabbacoysaanaah rubsuusut kaak yasissikeenimi , tuk teynah kaa waddiroysan ken akke waytek .

5-kay amol yan mari xongolo edde fayya haa boogek waasimaanama.

6-Rabe sahdaytuk xagar giffi itta sarot yaybu-

qdudeenimi kay xagar yableenimik .

B -Rabe sahdayi kaqaylo:

1-Qawrat kaak sarot qellisaanam.

2-Xiiron le gambik fayya kaa haak afqado caalih kaah duugaanama.

3-kaa kaqlisa num isi gabal saro meeriye kee wohuk kalah tanim elle hee yakkeeh istanja kaah yayyaa-qeemi

4-Salat wadoh innah tan wadoh kaa waddoosaama.

5-wohuk lakat moyyaa kee deben kusrat qaafisen leet kaah kaqlisaah, sarra migdi tattab kaak kaqlisaah, wohuk lakal guri tattab kaak kalisa , kaadu lammay haytoh addaay sidoc haytoh adda kaa kaqlisay , kulli adda afqadol gaba caalih kaak beyak , tokkel baguk tu kaak tewqek kollay kaak kaqlisaah, tu kak tewqe arac qutubit alfee kee wonah taniimit alfe yakkay , wado kaadu kaah yaqusbusay , tokkel

sidiica kaqaylok fuli faxxiimam yublek, konoyuuy hinnay malciin fanah kaa kaqlisay , tohuk lakal sarot kaa kafsaah, suruy meqem kaal haah , kafan saro qir-tot kaah qiirisoonaay bictok , kaadu footimaa kee xer lifiiqak tu kaak kalaanaah , amo kaah ma filan , amo sidiica gulubtah teetih haanaah , derreh qiddi haan .

C-Rabe sahdaytih kafana :

1- Lab numuy rabe sidiica saroy qadot kaa kafnisaa-nam aysuk raqta , kamis kee qimaama edde anee ka-lah , kinnih immay kamis kee inki sarot kaa kafnisee-nik bayissam mali .

2-Say numih kafanah tugactek , koona sarot tet kafni-saanama , diriqiiy ,musaana , tikyâ saro , lamma sa-roy xeerit.

3-Lab saldi tugactek inki saroooy sidiica sarâ fanah kaa edde kafnisan .

4- Say saldih tugactek kamis kee lamma sarot tet kafnisaanam tan .

Kafan sidiica saro elle haan gurra:

Fiiрук : sidiica saro ittak bagul hayyaay , rabe sahdaytu bagul kak inaaqissi haan , tohuk lakal iro raqta saro migda le gambik kaal gacsan , sarra gura le gambik kaal gacsan , wohuk lakal raqte lamma saro naharsi saro elle hee gurral tet haanaah kaal yaxeeniih , magaq (qhabri kinnuk) addal tet fakaanah .

Rabe sahdaytuh kafanak waajibtam inki saroy xagar inkih duddu qellissi hayta kinni .

D -Rabe sahdaytul salat elle aban inna :

- Sunnatak tanim :imaam numuk moyyâ waganah soolaah , barrak gudê waganah soolaama , kaadu ginaadoodi temeggeek num imaam le gambi raaqaah , barra kibla le gambi raqta , kaadu salaada ken luk tenek saldi barrak imam le gambi haanaah , lakat barra haanaah, lakat saldî haan , kaadu saldi moyya numtin moyyah massah haanaah ,barrak gude numtin moyyah massah haanaah , kaadu saldî moyya barra moyyah massah haanaah , gude teetik numtin moyyah massah haana , kaadu ginaadal salat aba mari imaam

lakal gaca , foxo wee numuy kaak migda le gambi gaca akke waytek .

-Allaahu akbar axcuk niya culsaah , tohuk lakal faatica yakriye , hinnay namma qunxa suura yikriyek ,hinnay inki aayat yikriyek , hinnay namma aayat yikriyek bayissam mali .

-Wohuk lakal lamma hayto adda allaahu akbar iyyaah , racmat kee nagayna yallih nabiil oobisa tannah axcuk :

اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ ، كَمَا صَلَّيْتَ عَلَى إِبْرَاهِيمَ وَعَلَى آلِ إِبْرَاهِيمَ إِنَّكَ حَمِيدٌ مَجِيدٌ ، اللَّهُمَّ بَارِكْ عَلَى مُحَمَّدٍ وَعَلَى آلِ مُحَمَّدٍ ، كَمَا بَارَكْتَ عَلَى إِبْرَاهِيمَ وَعَلَى آلِ إِبْرَاهِيمَ إِنَّكَ حَمِيدٌ مَجِيدٌ .

-Wohuk lakal sidoc haytoh adda allaahu akbar iyyaah rabe numuh dooqa aba tannah axcuk:

اللَّهُمَّ اغْفِرْ لِحَيِّنَا وَمَيِّتِنَا ، وَشَاهِدِنَا وَغَائِبِنَا ، وَصَغِيرِنَا وَكَبِيرِنَا ، وَذَكَرِنَا وَأُنْثَانَا ، اللَّهُمَّ مَنْ أَحْيَيْتَهُ مِنَّا فَأَحْيِهِ عَلَى الْإِسْلَامِ ، وَمَنْ تَوَفَّيْتَهُ مِنَّا فَتَوَفَّهُ عَلَى الْإِيمَانِ ، اللَّهُمَّ اغْفِرْ لَهُ وَرَأْحَمَهُ وَعَافِهِ وَاعْفُ عَنْهُ ، وَأَكْرِمْ

نُزِلُهُ ، وَوَسَّعَ مُدْخَلَهُ ، وَاعْسَلَهُ بِالْمَاءِ وَالتَّلْجِ وَالْبَرَدِ ، وَنَقَّاهُ مِنَ الدُّنُوبِ
 وَالْخَطَايَا كَمَا يُنْقَى الثُّوبُ الْأَبْيَضُ مِنَ الدَّنَسِ ، وَأَبْدَلَهُ دَارًا خَيْرًا مِنْ
 دَارِهِ ، وَأَهْلًا خَيْرًا مِنْ أَهْلِهِ ، وَأَدْخَلَهُ الْجَنَّةَ ، وَأَعَدَّهُ مِنْ عَذَابِ الْقَبْرِ ،
 وَعَذَابِ النَّارِ ، وَافْسَحَ لَهُ فِي قَبْرِهِ وَنَوَّرَ لَهُ فِيهِ ، اللَّهُمَّ لَا تَحْرِمْنَا أَجْرَهُ
 ، وَلَا تُضِلَّنَا بَعْدَهُ ، ثُمَّ يُكَبِّرُ الرَّابِعَةَ ، ثُمَّ يُسَلِّمُ تَسْلِيمَةً وَاحِدَةً عَنْ يَمِينِهِ
 . وَيُسْتَحَبُّ أَنْ يَرْفَعَ يَدَيْهِ مَعَ كُلِّ تَكْبِيرَةٍ ، وَإِذَا الْمَيِّتُ امْرَأَةٌ يُقَالُ : (اللَّهُمَّ
 اغْفِرْ لَهَا) وَإِذَا كَانَ الْجَنَائِزُ اثْنَتَيْنِ يُقَالُ : (اللَّهُمَّ اغْفِرْ لَهُمَا) وَإِنْ كَانَتْ
 أَكْثَرَ يُقَالُ : (اللَّهُمَّ اغْفِرْ لَهُمْ) .

Yi rabbow nek nuwwam kee rabteemiiy edde , ma-
 tartem kee allat raqteemih dambi cab , nek qunxa
 maraay , kaxxa maraay, nek lab num kee say numuh
 dambi cab , yi rabbow nek manol tabbixe num islaa-
 maninnol mano kaah acuyaay , nek qiddeh tan num
 iimaanal kaa qid , yi rabbow dambi kaah cabaay kaah
 nacrooraay , qaafiyat kaah acuyaay dambik qafu
 kaah ab , qibnaytiino kaak konnabisaay culma kaah
 farakka hayis , kaadu leey naafaay aruqlet kaa kaqlis ,
 dambittee kee umaaneenak kaa saytunnos , qado saro
 wasakak kah saytunnoosimta innah , kay dabqak kay-

rih yaysse dabqa kaah ciggiilisaay , kay ahalik kayrih yaysse ahali kaah ciggiilis , kaadu jannat kaa culusaay qhabri qadab kee girâ qadaabak kaa naggos , kaadu qhabri kaah farakka haysaay kaah kaa nooris , yi rab-bow kay galto nee ma waysiisinaay kaak lakal nee ma maxqawisin .

- wohuk lakal ferey haytoh adda allaahu akbar iyyaah migda le gambik salaamat gacsa.

Kaadu kacanu lem allaahu akbar axcinnaan wadi isi namma gaba aytiliontâ fanah fayya haama , salat elle abaanam say num tekkek (اللَّهُمَّ اغْفِرْ لَهَا) iyyan , kaadu salat elle abaanam namma raysa tekkek (اللَّهُمَّ اغْفِرْ لَهَا) iyyan , kaadu raysitté wohuk temeggeek (اللَّهُمَّ اغْفِرْ لَهَا) iyyan .

kinnih immay salat elle abaanam saldi tekkek , tokkel dambi cabtî dooaqa kaah abaanamih aftok:

اللَّهُمَّ اجْعَلْهُ فَرَطًا وَدُخْرًا لِدِينِهِ ، وَشَفِيعًا مُجَابًا ، اللَّهُمَّ ثَقِّلْ بِهِ مَوَازِينَهُمَا ، وَأَعْظِمْ بِهِ أَجُورَهُمَا ، وَأَلْحِفْهُ بِصَالِحِ الْمُؤْمِنِينَ ، وَاجْعَلْهُ فِي كِفَالَةِ إِبْرَاهِيمَ – عَلَيْهِ السَّلَامُ – وَفِيهِ بِرَحْمَتِكَ عَذَابَ الْجَحِيمِ .

Yi rabbow kay xaltanih tookome galtoy dansimte kaa ab , shafaaqatta kak oggolimte sahdaytu kaa ab , yi rabbow ken lammayih miidanwa kaat keenih iyqil-siy, ken nammayih galto kaat keenih eyneb , moominiinik meqe mara kaa eleelisaay , Nabii ibraahim dacyrih gubat kaa hayis , kaadu isi racmatah jaciim deqsita girah qadabak kaa iysillimaay kaa naggos .

E-Rabe sahdaytih maagaqa

Rabe sahdaytul salat abeeniik gamadal magaq fanah sissikuk kaa beyaanam faxximta, raysi edde rukrukuma sissikaane abe kalah ,fanaafanah tan gexot haak. Kaadu raysal salat abbaay magaqak kaak yamurru-queenih gide yallak galto edde faxak qambaale num maqarre galto luk yaduure .

Rabe num magaqak lamma ibi kak raaquwaa gambik kaa culsaanama caalih kaa hirigak , kinnih immaay wonni edde biceweemit elle bicinnaan gurral kaa culsaanama , raysa magaq addal inaaqissi haan waqdi , bismillaahi qalaa millati rasuulî llaahi iyyaanam faxximta . magaqak kaak yamurruqueeniih burta

kaal gacsaanak lakal yallak dambi cabti kaah esse-
raanama.

Addattino

Aakama.....	2
Wado.....	3
kaqaylo.....	4
Tayammumu.....	5
salaata.....	5
salat addat karaaha leem.....	8
Salat bayissaama.....	9
biyaakita sahdayti elle taahirroowa inna.....	10
biyaakita sahdayti salat elle aba gura.....	12
Rabe sahdaytih rubsuusiyah faxximtaama.....	16
Rabe sahdaytih kaqaylo	18
Rabe sahdaytul salat elle aban inna.....	19
Rabe sahdaytih magaqa.....	23
Addttino	25

